



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Broj: 01-011-17/01.
Sarajevo, 29.01.2001.

Z A P I S N I K

sa 2. sjednice Predstavničkog doma Parlamentarne skupštine BiH
održane 29. januara 2001. godine

Druga sjednica Predstavničkog doma počela je s radom u 11,55 časova. Predsjedavao je dr Sead Avdić, predsjedavajući Doma.

Sjednici su prisustvovala 42 poslanika.

Kao gosti prisustvovali su predstavnici Vijeća ministara BiH, predstavnici OHR-a, OSCE-a i drugi gosti.

Nakon što je predsjedavajući otvorio sjednicu i pozdravio poslanike i goste, pred Domom su svečanu izjavu dali poslanici Mediha Filipović i Ibrahim Đedović.

Poslije davanja Izjave predsjedavajući Predstavničkog doma je u uvodu upoznao poslanike o aktivnosti Kolegija i Kolegija u proširenom sastavu koje su imali u pripremi 2. sjednice Doma i u vezi s prijedlogom dnevnog reda. Otvarajući raspravu o prijedlogu dnevnog reda koji su poslanici dobili u pozivu za sjednicu, obavijestio je Dom da je Klub poslanika Stranke za BiH u pisanoj formi dostavio zahtjev da se dnevni red dopuni sa uvrštavanjem odobrenja Odluke Predsjedništva BiH o imenovanju predsjedavajućeg Vijeća ministara BiH.

Predsjednik Kluba poslanika Stranke za BiH, **Beriz Belkić**, obrazložio je zahtjev za dopunu dnevnog reda. Pored ostalog, istakao je da je osnovni razlog što danas pokušavaju uvrstiti ovu tačku u dnevni red jeste "što naša država već dva i po mjeseca nema svoju vladu", te da je Skupština BiH 23. 01.2001. godine dobila Odluku Predsjedništva BiH od 18.01. kojom je g. Martin Raguž imenovan za mandatara, te da je Kolegij, prema članu 115. Poslovnika, dužan sazvati sjednicu i odrediti se o Odluci Predsjedništva.

U diskusiji povodom prijedloga dnevnog reda učestvovali su mr. Mirko Banjac, Ivo Andrić-Lužanski, Branko Dokić, Mariofil Ljubić, Zlatko Lagumdžija, Miro Grabovac-Titan, Mirko Baković i Osman Brka.

Mirko Banjac je, u ime Kluba poslanika SDS-a, zatražio skidanje s dnevnog reda Informaciju o tzv. balkanskom sindromu zbog, kako je rekao, pravnog položaja Predstavničkog doma.

Ivo Andrić-Lužanski se usprotivio zahtjevu Kluba poslanika Stranke za BiH i skrenuo pažnju na član 115. Poslovnika koji kaže: "Kad Dom primi Odluku o imenovanju predsjedavajućeg Vijeća ministara, Kolegij će odmah sazvati sjednicu u skladu sa članom V. stav 4.Ustava BiH". Naglasio je da Kolegij to nije učinio, te da će zasjedati u narednim danima i odlučiti o sazivanju sjednice.

Branko Dokić je, u ime Kluba PDP-SNS-SPRS-SNSD-DSP, predložio da se Informacija o tzv. balkanskom sindromu skine s dnevnog reda do daljnjeg. Naglasio je,

pored ostalog, da je pitanje “balkanskog sindroma” ozbiljno pitanje i da se kao takvo ne bi moglo razmatrati istog dana kada su poslanici dobili informaciju na klupe. Upoznao je Dom da su u Republici Srpskoj održana nekolika naučna skupa na ovu temu i da je Akademija nauka RS oformila komisiju za ispitivanje ovog pitanja. Apelovao je da se sačeka dok se ne obezbijede uslovi za ozbiljno razmatranje ovog pitanja.

Mariofil Ljubić je u svojoj diskusiji, pored ostalog, obavijestio Dom da je Kolegij imao kratak sastanak sa aktuelnim predsjedavajućim Vijeća ministara, na kojem je g. Raguž izjavio Kolegiju, kao i javnosti, da mu je potrebno još sedam dana da završi konsultacije. Insistirao je da predsjedavajući Vijeća ministara nije dobio poziv za sjednicu u kojem je predložena tačka dnevnog reda - odobrenje imenovanja predsjedavajućeg Vijeća ministara.

Zlatko Lagumdžija je, pored ostalog, istakao da je savršeno jasno da aktuelni predsjedavajući nije spreman da izađe sa svojim konceptom na ovoj sjednici. Međutim, oni su očekivali da će na današnjoj sjednici Parlamentarne skupštine g. predsjedavajući, koji je ponovo dobio mandat Predsjedništva, naći za shodno da poslanike obavijesti o toku konsultacija, tim više što se u javnosti šire određene dezinformacije. Rekao je da SDP stoji na stanovištu da je ovo gubljenje vremena.

Gospodin Lagumdžija je naglasio da je on dužan da obavijesti javnost, kolege, Predsjedništvo BiH, političke stranke i međunarodnu javnost, da smatraju da je mandatar g. Raguž čovjek koji ne može formirati Vijeće ministara na način koji garantuje da se ova zemlja može izvući iz situacije u koju se nalazi. Rekao je dalje, pored ostalog, da SDP kao partija koja ima najveći broj mandata, očekuje od Predsjedništva BiH da mandat za sastav Vijeća ministara povjeri čovjeku iz SDP-a, naglasivši da “vrlo jasno želimo da damo do znanja da bilo koje Vijeće ministara u kojem mandatar dolazi iz HDZ-a, odnosno SDS-a, odnosno SDA, kao i mandatar iz tih stranaka, su političke kombinacije u kojima SDP BiH neće učestvovati”.

Gospodinu Lagumdžiji replicirali su Mirko Banjac, Miro Grabovac-Titan, Mirko Baković i Osman Brka.

Mirko Banjac je, pored ostalog, rekao da on takođe želi da obavijesti javnost da SDS ne želi ulaziti u kombinaciju sa Socijal-demokratskom partijom Bosne i Hercegovine. Naglasio je da samo želi da se sve završava na demokratski i ustavan način, i da ni on ni SDS neće praviti smetnje. Dalje je g. Banjac rekao da, zbog niza netačnih navoda u diskusiji g. Lagumdžije, želi da obavijesti domaću i međunarodnu javnost da se ovde skreće pažnja sa pravih problema na sporedne, te da niko neće da kaže da nisu stvoreni uslovi za ustavan rad Predstavničkog doma zbog toga što nije konstituisan Dom naroda. Pozvao je relevantne faktore da pomognu da se u Federaciji BiH što prije završi posao vezan za konstituisanje Doma naroda kako bi se uspostavio ustavan rad Parlamentarne skupštine.

Miro Grabovac -Titan je u svojoj replici na diskusiju g. Lagumdžije prigovorio da se ova govornica koristi za političku propagandu. Rekao je da ima zamjerku kad je ovdje spomenuta HDZ, pogotovo od stranke koja je ideološki i pravni nasljednik Saveza komunista, tj. one partije i one ideologije koja je i dovela BiH u ratnu zbilju. Kada je u pitanju HDZ, normalno je da daje svoga kandidata za predsjedavajućeg Vijeća ministara, jer je na izborima dobila skoro plebiscitarnu podršku hrvatskog naroda, kao jednog od konstitutivnih naroda u BiH. Predlaganje pripadnika SDP-a iz reda hrvatskog naroda, koji na izborima nije dobio niti jedan procenat podrške hrvatskih birača, značilo bi poništavanje jednog dijela suvereniteta hrvatskog naroda, rekao je, pored ostalog g. Grabovac.

Mirko Baković je, pored ostalog naglasio da ni u kom slučaju nije moguće danas u dnevni red uvrstiti tačku u vezi imenovanja predsjedavajućeg Vijeća ministara jer on nije ni dobio poziv s prijedlogom te tačke kako bi se pripremio da iznese svoj program.

Zlatko Lagumdžija je odgovorio na krivi navod u dijelu diskusije g. Grabovca, kad je rekao da je SDP, kao ideološki i pravni nasljednik SK, i dovela BiH u ratnu zbilju. Rekao je da ta partija čiji su oni pravni nasljednici, nije '90-91. bila na vlasti. Naglasio je da SDP, po Ustavu, može dati kandidata za predsjedavajućeg Vijeća ministara, i Hrvata i Bošnjaka i Srbina, ukoliko može obezbijediti skupštinsku većinu, te da SDP nikada neće dovesti u pitanje konstitutivnost naroda.

Miro Grabovac – Titan odgovorio je Lagumdžiji, rekavši da ga možda g. Lagumdžija nije dobro razumio. Naglasio je da je on u prethodnoj diskusiji rekao "da su oni i ideološki i pravni, a sigurno pravni nasljednici Saveza komunista, a Komunistička partija je '90-te bila na vlasti. A kada je u pitanju '91. i '92, kada je izvršena agresija, zašto se tada te snage nisu javile da pomognu i odbrane Bosnu i Hercegovinu, odnosno da zaštite njene narode i građane", rekao je gospodin Grabovac.

Osman Brka je u početku svoje replike izrazio svoje razočarenje početkom rada sjednice, pogotovo što je očekivao da su na prošlim izborima u ovaj Parlament izabrani vrlo odgovorni ljudi koji će raditi za dobrobit BiH i svih njenih građana i svih njenih naroda. "Mi smo ovdje svjesni da moramo imati u toj borbi mnogo kompromisa. Kome to nije jasno morat će to da nauči. Zbog toga vjerujemo da u svim političkim opcijama ima čestitih ljudi i da na taj način, jedino sa tim čestitim ljudima možemo ići naprijed. Sa ljudima koji imaju potpuno totalitaran stav oko nekog pitanja teško će ova zemlja izaći na kraj". Pod svaku cijenu isključivati sve ljude iz bilo koje političke stranke je potpuno neprihvatljivo, rekao je, pored ostalog, gospodin Osman Brka, i pozvao sve poslanike na razuman stav, da se dopusti mandataru tih sedam dana kako bi pokušao sastaviti "dobru vladu" koja može izvući BiH iz problema.

Predsjedavajući **Sead Avdić** je dao poslanicima još nekoliko informacija u vezi s pitanjem predsjedavajućeg Vijeća ministara. Naglasio je da je prijedlog dnevnog reda 2. sjednice poslanicima bio dostavljen prije nego što je Parlamentu dostavljena Odluka Predsjedništva o imenovanju predsjedavajućeg Vijeća ministara. Nakon toga je Kolegij više puta zasjedao u vezi s dnevnim redom koji je predložen, ali na Kolegiju, kao ni na Kolegiju u proširenom sastavu nije postignut konsenzus, te da Dom treba da odluči o dnevnom redu. Predložio je da se Dom izjasni o prijedlozima za dopunu dnevnog reda i o prijedlogu dnevnog reda od strane Kolegija. Međutim, predsjednik Kluba poslanika HDZ – Ivo Andrić-Lužanski je upozorio na kršenje člana 115. Poslovnika. Zato je predsjedavajući dao pauzu.

Poslije pauze predsjedavajući je upoznao da je povodom prigovora g. Andrića – Lužanskog Kolegij u pauzi zasjedao i zauzeo stav, da smatra da se danas nisu stekli uslovi za razmatranje imenovanja predsjedavajućeg Vijeća ministara. Iznio je argumente za stav Kolegija. Zato je Kolegiju predloženo da za 2. sjednicu ostane prijedlog dnevnog reda koji su poslanici dobili u pozivu za sjednicu.

Pošto je predsjedavajući iznio stav Kolegija g. Beriz Belkić je povukao prijedlog Kluba Stranke za BiH, insistirajući da se sjednica sazove najkasnije za sedam dana.

Predsjedavajući je konstatovao da u ovom slučaju ne treba glasati o prijedlogu g. Belkića i da će se sjednica sazvati u traženom roku.

Predsjedavajući Avdić je dao na glasanje prijedlog poslanika Banjca i Dokića, da se iz prijedloga dnevnog reda isključi Informacija o pitanjima tzv. balkanskog sindroma.

Od prisutnih 42, ZA prijedlog su glasalo 34 poslanika, a 8 se uzdržalo. Prijedlog je dobio i entitetsku većinu. Predsjedavajući je konstatovao da je ova tačka skinuta s dnevnog reda.

Zatim je Dom za 2. sjednicu Predstavničkog doma usvojio sljedeći

D N E V N I R E D:

1. Usvajanje Zapisnika Konstitutivne sjednice Predstavničkog doma,
2. Izbor članova komisija Doma,
3. Prijedlog zaključka o mogućoj profesionalizaciji poslanika u Predstavničkom domu i
4. Poslanička pitanja.

Ad - 1: Usvajanje Zapisnika sa Konstitutivne sjednice Predstavničkog doma

U vezi sa Zapisnikom diskutovao je g. Adem Borić. Rekao je da je Klub poslanika SDA prihvatio izvod iz zapisnika i ukazao na veoma korektan hronološki izvještaj o odvijanja Konstitutivne sjednice. U želji da se korektnost do kraja dovede, Klub SDA je predložio da se u izvodu, pored kraćeg obraćanja predsjedavajućeg Seada Avdića, ukratko uvrste i izlaganja gospode Mirjanića i Ljubića.

Na Zapisnik je s mjesta iznesena i primjedba tehničke prirode, da je za g. Ljubića pogrešno navedena stranačka pripadnost.

Predsjedavajući je, poslije diskusije, dao na glasanje Zapisnik, s iznesenim intervencijama.

Zapisnik je usvojen jednoglasno.

Ad - 2: Izbor članova Komisija

Predsjedavajući je upoznao Dom o aktivnostima Kolegija i predsjednika poslaničkih klubova na usaglašavanju sastava Komisija, u skladu sa Poslovníkom Predstavničkog doma.

Povodom ove tačke diskutovao je poslanik Ibrahim Đedović. On je prigovorio da nije ispoštovan princip ravnomjerne zastupljenosti, jer ima poslanika koji su članovi i u po tri komisije i onih koji su u jednoj. Zatražio je da se ispoštuje taj princip.

Predsjedavajući Sead Avdić je odgovorio poslaniku Đedoviću, rekavši, pored ostalog, da ima suprotstavljenih kriterija gdje se ne može sve jednostavno pomiriti. Jer ako se poštuje, prije svega, temeljni nacionalni kriterij, da u svakoj komisiji budu najmanje dva pripadnika hrvatskog naroda, onda to ograničava mogućnost pomirenja svih drugih kriterija. Iz toga razloga nije se mogao izbjeći takav sastav komisija.

Poslije ovog obrazloženja predsjedavajući je dao na glasanje prijedlog za sastav komisija u paketu.

Od prisutnih 42 poslanika ZA prijedlog je glasao 41 poslanik.

Prema tome, izabrane su Komisije Predstavničkog doma u sljedećem sastavu.

1. Ustavno-pravna komisija

1. MIRKO BANJAC
2. MUHAMED BEGOVIĆ
3. OSMAN BRKA
4. MARIOFIL LJUBIĆ
5. IVO ANDRIĆ – LUŽANSKI
6. MIRKO MIJATOVIĆ
7. ŽELJKO MIRJANIĆ
8. BOGIĆ BOGIĆEVIĆ
9. HILMO NEIMARLIJA

2. Komisija za spoljne poslove

1. IVO ANDRIĆ – LUŽANSKI
2. MARIOFIL LJUBIĆ
3. MEDIHA FILIPOVIĆ
4. SEAD BUTUROVIĆ
5. SALIH KULENOVIĆ
6. ZLATKO LAGUMDŽIJA
7. BRANISLAV LOLIĆ
8. BRANKO DOKIĆ
9. MOMIR TOŠIĆ

3. Komisija za spoljnu trgovinu i carine

1. TIHOMIR GLIGORIĆ
2. HAMDIA KULOVIĆ
3. MIRKO BAKOVIĆ
4. RAMIZ VILIĆ
5. MIRZA KUŠLJUGIĆ
6. SENAD ŠARGANOVIĆ
7. ZORAN SPASOJEVIĆ
8. LIUBOMIR KOVAČEVIĆ
9. IBRAHIM ĐEDOVIĆ

4. Komisija za finansije i budžet

1. BERIZ BELKIĆ
2. SALIH KULENOVIĆ
3. RAMIZ VILIĆ
4. ZDENKO VUKIĆ
5. MIRKO BAKOVIĆ
6. ZLATKO LAGUMDŽIJA
7. LJUBOMIR KOVAČEVIĆ
8. TIHOMIR GLIGORIĆ
9. DRAGI STANIMIROVIĆ

5. Komisija za ljudska prava, imigraciju, izbjeglice i azil

1. OSMAN BRKA
2. MIRO GRABOVAC – TITAN
3. MUHAMED BEGOVIĆ
4. BAHRIJA OSMANOVIĆ
5. NEDŽAD ŠAŠIVAREVIĆ
6. VIOLETA KAMBEROVIĆ
7. OMER FILIPOVIĆ
8. MILOŠ JOVANOVIĆ
9. DUŠAN STOKIĆ

6. Komisija za saobraćaj i komunikacije

1. IVO LOZANČIĆ
2. HAMDİJA KULOVIĆ
3. MIRO GRABOVAC – TITAN
4. MIRZA KUŠLJUGIĆ
5. DRAGI STANIMIROVIĆ
6. ABDURAHMAN MALKIĆ
7. BRANKO DOKIĆ
8. MILOŠ JOVANOVIĆ
9. HALIL MEHTIĆ

7. Administrativna komisija

1. SEAD AVDIĆ
2. NEDŽAD ŠAŠIVAREVIĆ
3. ZDENKO VUKIĆ
4. IVO ANDRIĆ - LUŽANSKI
5. MUHAREM IMAMOVIĆ
6. ADEM BORIĆ
7. AMOR MAŠOVIĆ
8. MIRKO BANJAC
9. BRANISLAV LOLIĆ

8. Komisija za ostvarivanje jednakosti spolova u BiH

1. VIOLETA KAMBEROVIĆ
2. MEDIHA FILIPOVIĆ
3. BAHRIJA OSMANOVIĆ
4. AMOR MAŠOVIĆ
5. HILMO NEIMARLIJA
6. DUŠAN STOKIĆ
7. MIRKO BAKOVIĆ
8. MOMIR TOŠIĆ
9. ABDURAHMAN MALKIĆ

Prvi zamjenik predsjedavajućeg g. Željko Mirjanić upoznao je poslanike da je na sjednici Kolegija u proširenom sastavu između klubova dogovoren raspored mjesta predsjedavajućih komisija, kako slijedi:

- Ustavno-pravna komisija – Mirko Banjac (SDS),
- Komisija za spoljne poslove – Ivo Andrić – Lužanski (HDZ),
- Komisija za spoljnu trgovinu i carine – Tihomir Gligorić (SPRS),
- Komisija za finansije i budžet – Beriz Belkić (SzBiH),
- Komisija za ljudska prava, imigraciju, izbjeglice i azil - Osman Brka SDA),
- Komisija za saobraćaj i komunikacije – Ivo Lozančić (NHI),
- Administrativna komisija – Sead Avdić (SDP) i
- Komisija za ostvarivanje jednakosti spolova u BiH – Violeta Kamberović (SDP).

Naglasio je da je predviđeno da se formira Komisija za vjerska pitanja kojom će predsjedavati poslanik Kluba poslanika SDS-a.

Predsjedavajući g. Sead Avdić je podsjetio poslanike da se predsjedavajući i zamjenici predsjedavajućeg biraju na sjednicama Komisija, a da je prednji raspored g. Mirjanić iznio samo radi informisanja poslanika.

Poslanik Branko Dokić se javio za diskusiju, kako je rekao, iz razloga što su pročitani prijedlozi za predsjedavajućeg Komisija iako njih biraju Komisije. Rekao je da

je u ime Kluba poslanika kojim predsjedava, iznio primjedbu, da su poslanici iz RS-a tražili da jedan od predloženih članova bude predsjedavajući Komisije za spoljne poslove. Pošto je većina odlučila drugačije, rekao je da, kada se bude raspravljalo o Vijeću ministra, iz Republike Srpske će tražiti da ministar za inostrane poslove bude kandidat iz RS, što je na Kolegiju prećutno dogovoreno.

Predsjedavajući Sead Avdić je rekao da je g. Dokić i na Kolegiju iznio svoj stav. Naglasio je, međutim, da Kolegij nema ovlaštenja vezanih za kadrovska pitanja u Vijeću ministara, te da se shodno tome, nije ni upuštao u raspravu o ovom pitanju. Potom je predsjedavajući dao pauzu i pozvao komisije da održe sjednice i izaberu predsjedavajuće kako bi komisije mogle nesmetano raditi.

Poslije pauze predsjedavajući je upoznao Dom da je u pauzi konstituisano svih osam komisija i da su izabrani predsjedavajući po prijedlogu proširenog Kolegija. Konstatovao je da je ovim završen proces konstituisanja Predstavničkog doma, a da komisijama ostaje obaveza da na prvom sastanku izaberu zamjenike predsjedavajućih. Ovim je predsjedavajući zaključio 2. tačku dnevnog reda.

Ad - 3: Prijedlog zaključka o mogućoj profesionalizaciji poslanika u Predstavničkom domu

Uvodne napomene u vezi Prijedloga zaključka podnio je drugi zamjenik predsjedavajućeg g. Mariofil Ljubić.

U diskusiji su učestvovao g. Mirko Banjac. Pošto je iznio više primjedbi na Prijedlog zaključaka, predložio je da se isti pretvori u Nacrt i da poslanici primjedbe u pisanoj formi dostave Kolegiju kako bi za sljedeću sjednicu Kolegij predložio prijedlog akta o regulisanju ovog pitanja.

Predsjedavajući Sead Avdić je predložio da Dom usvoji zaključak kojim se Prijedlog zaključka pretvara u Nacrt, da se prihvate iznesene sugestije - da se Domu dostave pisane primjedbe i da se za iduću sjednicu pripremi prijedlog zaključka za izjašnjavanje.

Predloženi zaključak usvojen je jednoglasno.

Ad - 4: Poslanička pitanja

Predsjedavajući je u uvodu za ovu tačku dnevnog reda rekao da je Kolegij odlučio da na 2. sjednici poslanička pitanja uvrsti kao posljednju tačku dnevnog reda, shodno dosadašnjoj praksi Doma. Naglasio je da poslanici mogu predložiti da ubuduće poslanička pitanja budu kao obavezna prva tačka svake sjednice Doma, o čemu će se postići dogovor.

Poslaničkih pitanja nije bilo.

Sjednica je završena u 14,45 časova.

Sastavni dio ovog Zapisnika je magnetogram 2. sjednice Predstavničkog doma.

PREDSJEDAVAJUĆI
PREDSTAVNIČKOG DOMA
dr. Sead Avdić